

弘簡錄卷

二百四十九

明刑部員外郎仁和弘齋邵經邦學

我輩二千外郎張皇清翰林院侍講學士四世孫遠平校閱

為載升突厥

始畢

并隨處羅

以正額利人曰突利

弟結社率

思摩

突厥泥孰

以中車鼻

突厥泥孰創二伏念

淵傳

骨咄祿

突厥默啜

無姑默棘連

登利自計葉護

自

自

突厥阿史那氏自啓民河汗備載隋書隋末天下大亂人民多

往依始畢可汗竇建德薛舉劉武周梁師都李軌王世充高開

道之徒悉臣尊之控弦百萬疆盛古新未有高祖起太原遣劉

文靜往聘自為手啓卑辭厚禮欲與和親資其士馬舉義兵迎

隋主始畢得書嘆曰隋主為人我所盡知若逆以來必害唐公

弘簡錄

卷二百四十九

附載突厥

且擊我無疑苟唐公自爲天子我當助之使者七日而返卽遣
特勒康稍利獻馬二千兵五百來會約入長安民衆土地入唐
金帛子女歸可汗京師平帝遣鄭元璫遺以女妓金帛武德元
年遣骨咄祿特勒來朝帝宴之太極殿爲奏九部樂引升御坐
前後賞賜不可勝計是歲始畢牙帳自破帝問蕭瑀引魏文帝
幸許城門無故壞爲泥時可汗自恃功高益驕倨每遣使至長
安橫恣帝以中原未定頗優容之二年自將度河至夏州與梁
師都合又佐劉武周以五百騎入句注將侵太原果發病死帝
爲舉哀長樂門遣使赴弔賻物三萬段子什鉢苾幼立啓民可
汗第二子俟利弗設

刑部掌兵者謂之設

是爲處羅可汗

處羅立後頻遣使朝貢常語左右我先人啓民兄弟爭國願脩
以存乃於竇建德所迎隋蕭后及齊王暕之子政道立以爲王

唐之定襄以奉旨後凡中原人役者悉隸之行其正朔有衆
餘晉官屬秦王討武周處羅遣弟步利設引騎二千會并州
管李仲文出迎勞之留三日多掠城中美婦女仲文不能制復
謀取并州卜之不吉牙內雨血三日羣犬夜號求之不見無何
亦發疽死遣使入告罷朝一日遣百官就館弔其使以子郁
設軀弱立第三弟咄苾是爲頡利可汗
頡利始爲莫賀咄設牙直五原北薛舉陷平涼與連和帝患之
遣光祿卿宇文歆往賂使與舉絕并說還陷五原太守張長遜
所附五城皆見聽卽發長遜所部會秦王軍郁射設因太子建
成議廢豐州并割榆中地遂以所部萬帳入處河南以靈州爲
塞封咄苾爲突利可汗義成弟楊善經亦依突厥與世充使
者王文素共說頡利頡歲入寇倚其父兄餘資兵銳馬強書辭

悖慢方以經略天下特爲屈禮贈賚不貲貪求無厭武德四年
率萬騎與苑君璋合寇鴈門定襄王胡大恩擊却之執我使者
蘇瓌鄭元璿長孫順德帝亦因特勒熱寒等報之又寇代州敗
總管李孝基略河東犯原州穿延州塞諸將與戰不勝五年還
順德等請和特釋其使厚賜還之時突厥饑大恩言馬邑可圖
詔與獨孤晟往擊後期不至反爲所擄大恩陷沒死士卒數千
又寇忻州爲李高遷所破復以萬人從劉黑闥擾山泉殘定州
尙未得志大發十五萬騎入鴈門圍并州鈔汾潞男女五千分
數千騎轉掠原靈間上遣皇太子并秦王將兵出幽蒲道擊之
李子和趨雲中掩其後段德操出夏州阻其歸與并州總管李
神符戰汾東斬首五百取馬二千汾州刺史蕭頴俘其衆五千
俄陷大震關與洪州總管宇文歆戰于崇岡靈州楊師道

三觀山定州雙士洛戰于恒山將軍魏道仁安興貴戰于甘州
皆敗之獲馬駝數千方引出塞又明年與黑闥君璋等復寇定
匡原朔等州帝遣太子復屯北邊秦王屯并州破其代北一屯
進擊渭幽二州取馬邑請和歸之連寇原與朔州總管高滿政
秦武通敗之入代地不勝更與君璋合攻隴州及陰槃城分擊
并地秦王與元吉屯幽州道以備君璋與突厥出入原朔擊掠
忻并騷然不靖八月頡利合突利起兵自原州連營而南所在
震恐秦齊二王拒之次幽州適關中霖潦饑道阻絕忽遇萬騎
奄至陣五龍坂挑戰舉軍失色秦王馳百騎掠陣大言國家於
汝無負何故深入我秦王也自來與可汗決若論多寡我纔百
騎欲戰卽戰徒廣殺傷無益頡利笑不答故縱反間語突利曰
爾往與我盟急難相助何無香火情耶亦不對頡利始見兵少

疑其有謀及聞突利語大忌卽遣使者來言王母苦我索戰將
與王議事耳時突利亦不欲戰頡利無以彊之乃遣夾畢特勒
阿史那思摩請和帝許之突利自託於王爲昆弟思摩見帝引
升御榻頓首辭帝曰我見若猶頡利也乃聽命會大雨弓弛遂
解而還久之遣使願款北樓關請互市帝大會羣臣問所以備
邊者將作大匠于筠請五原靈武置舟師於河以扼其入溫彥
博請爲長塹如元魏遏匈奴帝然其計使桑顯和塹邊召江南
船工治戰艦復置十二軍怒曰往吾以天下未定厚於突厥待
以敵國禮豈期敗約今將擊滅之母事姑息命有司更所與書
爲詔敕八年頡利攻靈朔代州都督蘭暮與戰新城敗績遣張
瑾屯石嶺李高遷屯大谷秦王屯蒲州道瑾未至突厥已踰嶺
圍并州攻靈州轉擾潞沁命李靖出潞州道在瓌屯太行壁

大谷敗績行軍長史溫彥博陷于賊鄆州都督張德政死之
攻廣武爲李道宗所破其弟欲谷設掠綏州刺史劉大俱敗之
請和而去又敗并州數縣入蘭鄆彭州諸屯俄寇原州折威將
軍楊乚擊之且發土地大谷九年攻原靈圍涼州都督李幼良
敗之進犯涇原靖與戰引去寇西會州圍烏城翔祥隴渭問柴
紹破之秦州斬一特勒三大將首千級大不得志請和不耻七
月自將十萬騎襲武功京師戒嚴攻高陵尉遲敬德與戰獲俟
斤阿史德烏沒啜俟斤斬首千餘級遣謀臣執失思力入朝以
覘我因誇二可汗兵百萬今至矣時太宗卽位諭以常與可汗
面約爾何得背之且義師之初爾父子身從我遺賜玉帛至多
何妄以盛強自誇朕今當先戮爾思力懼請命蕭瑀封德彝皆
諫欲以禮遣帝不許繫於閤下將賜至高士廉房玄齡將軍周

範等馳六騎出玄武門幸渭上與可汗隔水責其負約羣部見
帝皆驚下馬列拜俄獻馬三千匹羊萬頭帝不納詔歸所俘於
我徐引還貞觀元年薛延陀回紇拔野古諸部皆叛復值大雪
羊馬凍死部下多饑懼王師邀險卽引兵入朔州境聲言會獵
羣臣請乘其釁伐之帝以天子不可效匹夫爲不信旣與之盟
豈利其災取之必須無禮於我乃伐之耳明年突利自陳求救
帝因有昆弟約詔屈範壁太原經略之秦武通以并州兵馬隨
便應接頡利亦擁兵窺邊杜如晦諫曰彼常負約今亂而擊之
侮亡之道也帝謂彼國盛夏而霜五日並出赤氣滿野天不祐
也六畜多死地不祐也葬皆起墓背祖父命鬼神不依也納賔
突利不睦親不和也有是四者突厥必亡當爲公等取之突厥
俗貴質略因得文士趙德言才其人稍專國政自是不周歲

人邊下不堪苦又委政諸族翻覆不信號令無常哀歎
諸部愈貳三年薛延陀自稱可汗遣使來貢九俟斤以衆降
野古僕骨同羅諸部霫奚渠長皆來朝詔遣李勣山通漠道李
靖出定襄道柴紹出金河道李道宗出人同道衛孝節出恒安
道薛萬淑出陽武道凡六總管師十餘萬皆受靖節度以討之
道宗戰靈州俘人畜萬計突利及郁射設蔭奈特勒帥所部來
降捷書夜至帝語羣臣往者國家初定太上皇以百姓故詭臣
突厥朕嘗痛心疾首思刷其耻今天誘諸將所向輒克朕其遂
有成功乎四年正月靖進屯惡陽嶺夜襲定襄頡利驚遁徙牙
磧口其將康蘇密等以隋蕭后及楊正道降中書舍人陽文瓊
言隋人嘗密通書於后請劾治帝謂天下未一八猶思隋今反
側旣安何足治耶頡利窘走保鐵山兵猶數萬令思力陽爲哀

言謝罪請舉國內屬帝詔唐儉安脩仁等持節慰撫靖乘其解
襲擊破之盡獲其衆頡利獨騎千里馬將奔啓民弟蘇泥失爲
張寶相所擒其國遂亡盡復定襄恒安地斥境至大漠矣頡利
至京師俘告太廟帝御順天樓見之陳仗衛士民縱觀數其五
罪第一不發兵助隋使絕其廟社血食二背德亡義棄信擾邊
三恃強不戢部落携怨四賊人民暴禾稼五許其和親遷延自
遁朕殺爾非無名顧渭上之盟未忘故不窮責乃悉還其家屬
館于太僕廩食之思結俟斤以四萬衆降欲谷設奔高昌旣而
亦來降伊吾城長素臣突厥舉七城以獻因其地爲西伊州詔
有司設祭死者長城之南暴骨如丘爲瘞藏之又遣使者以金
帛贖男女沒者八萬口還爲平民久之帝憐頡利無聊嘗與家
人悲泣狀貌羸瘠以號州負山有射獵之娛拜爲刺史辭不

授右衛大將軍賜美田宅其子豐羅支有至性舍京師日
品物供其母後不得給輒不敢嘗帝聞嘆曰天稟仁孝厚賜之
仍給母肉八年頡利死贈歸義王諡曰荒從突厥俗火化起冢
葬于灞東其母婆施之賸臣朝祿達官吐谷渾邪者哀慟自殺
帝異之贈中郎將葬冢旁詔岑文本刻其事于墓碑俄蘇尼失
亦以死殉尼失始畢時爲沙鉢羅設帳部五萬牙直靈州西北
妾性雄趨以仁惠御下人多歸之頡利政亂其部獨不貳號小
可汗後亦舉衆來降授北寧州都督右衛大將軍封懷德王莫
南地遂空時其下或走薛延陀或入西域而來降者尙十餘萬
詔議所宜帝主溫彥博語度朔方地自幽屬靈州建順祐化長
四州都督割頡利故地左置定襄右置雲中都督府統之擢其
豪爲將軍郎將者五百人奉朝請者百員入長安自籍者數千

戶

突利初爲泥步設妻隋淮南公主以主契丹靺鞨部樹牙直幽
州比管屬東方之衆時延陀設主延陀部步利設主靺鞨部統特
勒主本部斛特勒主斛薛部以突利斂取無法下多不附故薛
延陀奚霫等皆內屬頡利遣擊之大敗乘輕騎走囚笞之突利
怨望及頡利衰驟追兵於突利不肯從因起相攻來降帝禮見
良厚撤膳以賜之語左右曰古爲國者勞已以憂人則系祚長
役人以奉已則亡今突厥喪亂山可汗不君雖至親不自保觀
彼之亡我不可以無懼設有不逮禍可紓乎貞觀四年拜右衛
大將軍封北平郡王食戶七百俄爲順州都督使率其下就部
酋以毋相侵掠長爲藩輔突利頓首聽命五年徵入朝至并州
病卒年二十九帝爲舉哀亦詔文本誌其墓子賀邏鶻嗣

利第結社率貞觀初入朝歷授中郎將充宿衛十三年帝幸九成宮陰結種人謀反欲劫賀邏鶻北還相與夜犯御營踰第四重幕引弓亂發殺衛士數十人折衝孫武開率兵奮擊乃退北走殺廐人盜馬欲度渭爲微邏所擒斬首赦賀邏鶻投嶺外帝始思魏徵言處突厥于國非是乃更立武德初數奉使和順郡王思摩爲乙彌泥孰俟利苾可汗賜姓李氏樹牙河北悉徙種族以還故地

思摩亦頡利族咄六設之子啓民初奔隋積北諸部常奉爲可汗歸後乃罷爲人開敏善占對始畢處羅皆愛之然疑其非阿史那種故但爲夾畢特勒而不得爲設後與頡利俱禽授右武候大將軍化州都督令統頡利故部居河南改懷化郡王及是將徙內畏薛延陀不敢出塞帝詔司農卿郭嗣本持節賜延陀

書言本朝禮義未始滅人國以頡利殘暴伐而取之本非貪土地人民故處降部於河南今復以思摩爲可汗還其故疆令主磧北延陀居磧南各守境土無相鈔犯有負約者朕自興兵誅之思摩乃行帝爲置酒語以蔣一草木見其滋撫且以爲喜况養爾部人息爾馬羊今復舊廷見爾塚墓思摩泣下奉觴上壽言所以存骨報恩之意詔禮部尙書趙郡王孝恭築壇河上受之以冊并賜鼓纛又詔左屯衛將軍阿史那忠左武衛將軍阿史那泥孰爲左右賢王相之時延陀亦恐其衆奔亡度磧勸兵以待見使者至拜謝曰謹奉詔貞觀十五年思摩帥衆十餘萬勝兵四萬馬九萬匹始渡河牙於故定襄城其地南大河北白道畜牧廣衍遣使來謝願世世爲國護守北門居三年復不能得衆下多攜背因暫入朝願留宿衛更拜右武衛將軍從伐遼

中流矢還卒贈兵部尙書夏州都督陪葬昭陵築墳象白道山
爲刊其勞碑於化州

泥孰蘇尼失子始歸國妻以宗女出塞未久思慕唐國見使者
必流涕復許入侍思摩殘衆稍南渡河分處勝夏二州帝將伐
遼或言突厥方居河南請必無東帝曰夫爲君者豈必貴有猜
貳有所無道舉天下皆叛非止荒遠朕聞突厥之亡內河南以
振瞻之彼不近走延陀而遠歸朕懷朕深矣自今五十年必無
他患其言皆驗後突利部人車鼻可汗盜有思摩之地

車鼻名斛勃世爲小可汗其人沈果有智數衆頗便附薛延陀
畏逼將殺之率所部遷居金山之北三垂斗絕惟一而可容車
騎壤土寬博有勝兵三萬自稱乙注車鼻可汗距長安萬里西
葛邏祿北結骨皆并統之時出寇掠延陀寢衰車鼻勢遂益

張貞觀二十一年遣子沙鉢羅特勒獻方物說請入朝帝遣雲
麾將軍安調遮右屯衛郎將韓華往迎至則意變華與葛邏祿
謀共劫之車鼻覺令子陟苾特勒來聞華等被殺帝怒遣右驍
衛郎將高侃發回紇僕骨兵擊之車鼻攜愛妾走追至金山獲
之獻于京師高宗責以無親不忠罪當死今特釋之獻俘社廟
引見昭陵拜左武衛將軍賜居第詔處其衆鬱督軍山建狼山
都督府統之子羯漫并菴鑠俱拜左屯衛將軍建新黎州使領
其衆自此突厥盡爲封疆之臣乃置單于都護府領狼山雲中
桑乾三都督蘇農等二十四州瀚海都護府領金微新黎等七
都督仙萼賀蘭等八州擢首領爲都督刺史麟德初改燕然爲
海都護府領回紇并磧以北蕃州徙故瀚海都護府於古雲
中城號雲中都護府領磧以南蕃州雲中者義成公主所居